

7529

329.14

m-18

1932

2010

Ծ Ր Ա Գ Ի Ր

ԵՒ

ՀԻՄՆԱԿԱՆ ԿԱՆՈՆԱԳԻՐ

ՌԱՄԿԱՎԱՐ ԱԶԱՏԱԿԱՆ

ԿՈՒՍԱԿՑՈՒԹՅԱՆ



ԵՖ 2001

Տպարան «Պայ ֆար»ի
Պոսքռն
1932

329.14
1-18

26

Ծ Ր Ա Գ Ի Ր

ԵՒ

ՀԻՄՆԱԿԱՆ ԿԱՆՈՆԱԳԻՐ

**ՌԱՄԿԱՎԱՐ ԱԶՏՏԱԿԱՆ
ԿՈՒՍԱԿՑՈՒԹԵԱՆ**



Տպարան «Պայֆար»ի
Պոսք-նի
1932



329.14

Ռ-18

ՅԱՌԱՋԱԲԱՆ

Ռամկավար Ազատական Կուսակցութեան Ծրագիրը հասարակութեան ներկայացնելու առիթով՝ կ'ուզենք մէկ քանի բառերու մէջ յընտացնել ռամկավարական կարգուսարքերու եւ ժողովուրդի վեհապետութեան ըմբռնումին վրայ հիմնուած այս Կուսակցութեան աշխարհահայեացքն ու ուղղութիւնը:

Ազգին անհատականութիւնն ու անոր օրինաւոր շահերն ու իրաւունքները պաշտպանելու ճգնումը՝ ուրիշ ժողովուրդներու իրաւունքներուն եւ շահերուն հանդէպ տածուած յարգանքին հետ կը բնորոշեն այս Կուսակցութեան ազգայնականութիւնը:

Ազատականութեան մէջ կ'ըմբռնուին անհատներու եւ հաւաքականութիւններու փիզիքական, մտաւորական եւ բարոյական կարողութիւններու ազատ կիրարկման իրաւունքներն ու Հայ հայրենիքի քաղաքական եւ տրնտեսական պայմաններուն պատշաճ եւ անուց մղում տուող ամէն տեսակ նոր եւ յառաջդիմական գաղափարներ որդեգրելու պատրաստականութիւնը:

Քաղաքական, տնտեսական, գիտական եւ բարեփոխութիւնները, բարեշրջումն (evolution) եղանակով



80283 ակ
1613-87

ԾՐԱԳԻՐ

ՌԱՄԿԱՎԱՐ ԱԶԱՏԱԿԱՆ ԿՈՒՍԱԿՑՈՒԹՅԱՆ

ՆՊԱՏԱԿ

Ռամկավար Ազատական Կուսակցութեան նպատակն է՝

Ա. — Ժողովրդային կամքի զերիշխանութիւնը եւ ռամկավար ազատական սկզբունքներու կիրարկումը Հայ պետական եւ հանրային կեանքին մէջ:

Բ. — Հայաստանի պետութեան զարգացումն ու բարգաւաճումը:

Գ. — Արտասահմանի Հայ զանդուածներուն հայրենի հողի վրայ հաւաքումը:

Դ. — Հայոց Թուրքիոյ մէջ ունեցած իրաւունքներուն եւ շահերուն հետապնդումը:

Ե. — Հայաստանի եւ Գաղութներու միջեւ յարաբերութեանց ամրապնդումը:

Զ. — Գաղութներու Ֆիզիքական եւ տրնտեսական զարգացումն ու անոնց մէջ հայկական մշակութի պահպանումն ու զօրացումը:

ԳԼՈՒԽ Ա.

Քաղաքական Սկզբունքներ

Յօդուած 1. — Կուսակցութիւնը հիմնուած է քաղաքացիական իրաւունքներու հաւասարութեան սկզբունքին վրայ եւ չի ճանչնար գասակարգային ոեւէ առանձնաշնորհում:

Յօդ. 2.— Հայաստանի կառավարութեան ձեռքը կ'ընդունուի Ռամկավարական Հանրապետութիւնը, Օրէնսդրական, Դատարանական եւ Գործադիր Իշխանութեանց բաժանումներով:

ԳԼՈՒԽ Բ

Սահմանադրական երաշխաւորութիւններ

Յօդ. 3.— Ամէն քաղաքացի բացարձակապէս հաւասար է օրէնքի առջեւ:

Յօդ. 4.— Ամէն քաղաքացի կը վայելէ բուհարկութեան հաւասար իրաւունք 20 տարեկանէն սկսեալ, առանց սեռի խտրութեան:

Յօդ. 5.— Ներկայացուցչական բոլոր մարմիններու ընտրութիւնը կը կատարուի ընդհանուր, հաւասար, ուղղակի եւ գաղտնի բուհարկութեամբ:

Յօդ. 6.— Զինուորական կրթութիւնը պարտաւորիչ է Հայաստանի մէջ:

Յօդ. 7.— Հայերէնը պետական պաշտօնական լեզուն է: Փոքրամասնութեանց մշակութային տեսակէտով՝ ինքնուրոյն դիմագիծը կը ճանչցուի:

Յօդ. 8.— Նախակրթութիւնը ընդհանուր, ձրի եւ պարտաւորիչ է: Երկրորդական եւ համալսարանական կրթութեան համար պետութեան կողմէ կը հայթայթուին դիւրութիւններ ընդունակ աշակերտներուն:

Յօդ. 9.— Ազատութիւն խօսքի, մամուլի, խնդրագրի (petition), հանրադրութեան, հա-

ւաքումներու, ընկերակցութեան եւ ճամբորդութեան:

Յօդ. 10.— Ազատութիւն խղճի, կրօնքի եւ պաշտամունքի:

Յօդ. 11.— Անձեռնմխելիութիւն անձի, անրոնաբարելիութիւն բնակարանի, ստացուածքի եւ նամակի:

Յօդ. 12.— Վարչական ապակեդրոնացում պետութեան հիմնական օրէնքներուն համաձայն:

ԳԼՈՒԽ Գ

Ընկերային եւ Տնտեսական Սկզբունքներ

Յօդ. 13.— Սեփականութեան իրաւունքը կը նկատուի իբրեւ արդար վայելումը աշխատանքի եւ խնայողութեան արդիւնքին: Ժառանգական իրաւունքը կը յարգուի որոշ սեղմումներով եւ հարկային պարտադրութեամբ՝ ի նպաստ պետութեան:

Յօդ. 14.— Անհատական ձեռներէցութիւնը կը քաջալերուի իբրեւ խթան յառաջդիմութեան եւ անհատին ու համայնքին վիճակին բարելաւման: Զարգացման հաւասար պատեհութիւն կը տրուի բոլոր քաղաքացիներուն համար:

Յօդ. 15.— Ընտանիքը կը նկատուի հիմնականութեան եւ օրէնքով կը սահմանաւորուին ամուսնութեան, այր-կնոջ փոխադարձ իրաւունքներուն եւ պարտականութեանց, զաւակ-

ներուն հանդէպ անոնց պարաւորութեանց եւ ընտանեկան ստացուածքի սեփականութեան խնդիրները :

Յօդ. 16.— Բոլոր քաղաքացիներուն կ'ապահովուի արդարութեան դործադրութիւնը պետութեան ընկերային եւ տնտեսական կեանքին մէջ :

Յօդ. 17.— Հիմնարկութիւն պետական եւ վարկային դրամատուններու՝ ընծայելու համար դիւրամտչելի վարկ քաղաքացիներուն :

Յօդ. 18.— Կանոնաւորում՝ օրէնսդրական միջոցներով՝ աշխատութեան եւ դրամադուլտի փոխադարձ յարաբերութիւններուն :

Յօդ. 19.— Արդար եւ համերաշխ դործակցութիւն եւ շահակցութիւն դրամադուլտի եւ աշխատութեան միջեւ, հաշտարար ատեաններու միջոցաւ :

Յօդ. 20.— Պետական վերհսկողութիւն աշխատանքի ժամերու, վարձատրութեան չափի, դործավայրերու առողջապահական պայմաններու եւ կանանց ու անչափահասներու աշխատութեան պայմաններուն վրայ :

Յօդ. 21.— Հաստատում պետական գրասենեակներու (պիւրօ)՝ իբրեւ միջնորդ դործատիրոջ եւ դործաւորի միջեւ, անդործներու աշխատանք հայթայթելու համար :

Յօդ. 22.— Պետական ապահովագրութիւն՝ պաշտպանելու համար ամէն կարգի աշխատաւորները ընդդէմ անդործութեան, հի-

ւանդութեան, արկածի, ծերութեան եւ մահուն :

Նոյնպէս՝ ապահովագրութիւն ընդդէմ բնական պատահարներու, ինչպէս՝ երաշտ, հեղեղ, կարկուտ, եւայլն :

Յօդ. 23.— Օրէնսդրական մասնաւոր միջոցներով քաջայերել եւ պաշտպանել երկրագործութիւնը եւ առանին ճարտարարուեստը :

Յօդ. 24.— Պետութեան կը պատկանի հանքերու, անտառներու, ջուրերու եւ ուրիշ բնական հարստութիւններու արդիւնագործումը :

Կառավարութիւնը կրնայ՝ իր վերհսկողութեան տակ՝ անոնց շահագործումը տալ անհատներու կամ ընկերութեանց, որոշ ժամանակաշրջանի համար :

Յօդ. 25.— Պետականացում թղթատարութեան, հեռագրի, հեռախօսի, երկաթուղային եւ փոխադրական միջոցներուն, ջրանցքներու եւ էլեքտրակայաններու :

Յօդ. 26.— Քաղաքապետութեան կը պատկանի հանրակառքերու, լոյսի եւ ջուրի մատակարարութիւնը :

Քաղաքապետութիւնը կրնայ անոնց մեծաչնորհք տալ անհատներու կամ ընկերութեանց, որոշ ժամանակաշրջանի համար :

Յօդ. 27.— Քաջայերում արտադրական եւ սպառողական համագործակցական (cooperative) ընկերութիւններու կազմակերպումին եւ ծուլումին :

Յօդ. 28.— Արդար բաշխում պետական տուրքերու, որպէս զի չլլատուին անհատական ու ընկերակցական ձեռներէցութիւնը եւ երկրին արդիւնաբերական ու առեւտրական գործունէութիւնը :

Յօդ. 29.— Յառաջատուական տուրք եկամուտի եւ ժառանգութեան վրայ, իսկ համեմատական միջոցինակ տուրք՝ հողի եւ կալուածի արժէքին վրայ :

Յօդ. 30.— Աստիճանական ջնջում անուղղակի տուրքերու :

ԳԼՈՒԽ Գ

Հողային Հարց

Յօդ. 31.— Հողին անհատական սեփականատիրութիւնը կը սահմանաւորուի խորհրդարանին կողմէ քուէարկուած հողային օրէնքներու համաձայն :

Յօդ. 32.— Հողային սեփականութեան իրաւունքը կը պայմանաւորուի եւ կը սահմանափակուի հողին մշակութեամբ եւ արդիւնագործութեամբ :

Պետութիւնը կրնայ երկրի արդիւնաբերական զարգացման համար ընկերութիւններու եւ անհատներու տալ որոշ չափէն աւելի հողեր :

Յօդ. 33.— Հողալուրկ եւ սակաւահող գիւղացիներու ձրխարար հող կը տրուի պետական տնօրինութեամբ, հողային ընդհանուր օրէնքի համաձայն :

Յօդ. 34.— Հողային բաշխման չափանիշը (նօրմա) կ'որոշուի տեղական պայմաններու, հողին որակին եւ աշխատութեան չափին համեմատ :

Յօդ. 35.— Պետութիւնը իրաւունք ունի զբաւելու անհատներու եւ ընկերութիւններու սեփական այն հողերը եւ անշարժ ստացուածքները, որոնք անհրաժեշտ են հանրագուտ նպատակներու համար, արդար հատուցում ընելով անոնց տէրերուն :

Յօդ. 36.— Գիւղերու համար սահմանել հասարակաց գործածութեան յատուկ արօտատեղիներ եւ անտառներ, եւ սպահովել անոնց անձեռնմխելիութիւնը :

Յօդ. 37.— Հողային օրէնքները կը բորժադրուին աստիճանաբար բնակչութեան թիւին, մշակման պահանջներուն եւ տեղական պայմաններուն համեմատ :

ԳԼՈՒԽ Ե

Կրթութիւն եւ Մշակոյթ

Յօդ. 38.— Մղում տալ ժողովուրդի զարգացման եւ անոր ինքնատիպ մշակոյթին, դըպրոցներու, համալսարաններու, լսարաններու, հանրային ձրի դասախօսութիւններու եւ զբաղարաններու հաստատումով :

Յօդ. 39.— Հաստատել վարժապետանոցներ, երկրագործական եւ արհեստագիտական վարժարաններ :

Յօդ. 40.— Պաշտպանել եւ քաջալերել զկարողեստները :

Յօդ. 41.— Փնտտել, հաւաքել եւ պահել հայկական ամէն կարգի հնութիւնները :

Յօդ. 42.— Բաջալերել զխտական խուզարկութիւնները :

Վերաքննութիւն

Ներկայ Ծրագիրը վերաքննելի է Կուսակցութեան Ընդհանուր Պատգամաւորական Ժողովին կողմէ՝ Հիմնական Կանոնադրի արամադրութեան համաձայն :

ՀԻՄՆԱԿԱՆ ԿԱՆՈՆԱԳԻՐ ՌԱՄԿԱՎԱՐ ԱԶՍԱԿԱՆ ԿՈՒՍԱԿՑՈՒԹԵԱՆ

Ռամկավար Ազատական Կուսակցութեան կազմակերպական բաժանումներն են՝

Ա. Տեղական Ակումբներ եւ իրենց վարչութիւնները .

Բ. Ծրջանակներ եւ Ծրջանային վարչութիւններ .

Գ. Ծրջանային Պատգամաւորական Ժողովներ .

Դ. Կեդրոնական վարչութիւն .

Ե. Ընդհանուր Պատգամաւորական Ժողով :

ԸՆԳՀԱՆՈՒՐ ԿԱՆՈՆՆԵՐ

Յօդուած 1.— Իւրաքանչիւր շրջանակ ինքնավար է ներկայ Կանոնադրով ճշտուած իրաւասութիւններու սահմանին մէջ . ունի տեղական պայմաններու յարմարցուած ներքին Կանոնադիր մը, որ հիմնական կէտերու մէջ կը համաձայնի այս Կանոնադրի տրամադրութիւններուն :

Յօդ. 2.— Կուսակցութեան բոլոր պաշտօնական մարմինները, Ակումբէն մինչեւ Ընդհանուր Պատգամաւորական Ժողով, պէտք է պահեն իրենց որոշումներուն եւ յարաբերութեանց արձանագրութիւնները, զիւանէն ստորագրուած :

Յօդ. 3.— Պաշտօնական մարմիններու գիւանները աւանդապահն են Կուսակցութեան

տոմարներուն, թղթակցութիւններուն, պայ-
մանագրութիւններուն եւ կնիքին :

Յօդ. 4.— Բոլոր վարչական մարմիններու
եւ ղեկաններու ընտրութիւնը կը կատարուի
գաղտնի քուէարկութեամբ :

Անդամները վերընտրելի են, երբ օրինա-
կան արգելք չկայ :

Յօդ. 5.— Ընտրութիւններու ատեն մինչեւ
վերջընթէր ամիսը իր անդամատուրքը առանց
բանաւոր պատճառի չվճարող անդամ մը ընտ-
րող եւ ընտրելի ըլլալու իրաւունք չունի :

Յօդ. 6.— Ընտրութիւններու հիմք կը ծա-
ռայէ անդամներու ամբողջական թիւը, դանց
չառնելով չվճարողները, որոնց անունները օրի-
նաւորապէս դուրս ձգուած չեն անուանացու-
ցակէն :

Յօդ. 7.— Անվտանգութեան քուէները եւ
կախակայման որոշումները ռե'ւէ մարմնի ան-
դամներու ամբողջութեան թիւին մեծամասնու-
թեամբ միայն կը տրուին, իսկ արտաքսումի
վերաբերեալ դատական վճիռները, երեք չոր-
րորդին քուէով :

Յօդ. 8.— Կուսակցութիւնը իր սովորական
պիւտճէէն գատ, պէտք է ունենայ իր հիմնա-
դրամը, որմէ գոյացած տոկոսին եւ ի հարկին
մայր-գումարին գործածութիւնը կ'որոշուի
Ընդհանուր Պատգամաւորական Ժողովին կող-
մէ :

Յօդ. 9.— Կուսակցութեան բոլոր պատաս-
խանատու մարմինները կը ստորագրեն երդմնա-

գիր մը, որուն բանաձեւը կը խմբագրուի Ընդ-
հանուր Պատգամաւորական Ժողովին կողմէ :

ԳԼՈՒԽ Ա.

Անդամագրութիւն

Յօդ. 10.— Ռամկաւար Ադատական Կու-
սակցութեան կրնայ անդամակցել, առանց սեռի
խտրութեան, 18 տարեկանէն վեր ամէն Հայ,
որ կ'ընդունի այս Կուսակցութեան սկզբունք-
ները :

Յօդ. 11.— Նոր անդամ կ'ընդունուի Ա-
կումբի վարչութեան Ժողովին մեծամասնու-
թեան որոշումով, համաձայն այդ մասին շըր-
ջանակի Ներքին Կանոնադրի տրամադրութեան :
Ընդունուած անդամը պտք է ստորագրէ
խոստմնագիր մը :

Յօդ. 12.— Իւրաքանչիւր անդամ կ'ունե-
նայ Շրջանային վարչութեան պատրաստուած
անդամաքարտ մը, իր լուսանկարը կրող :

Յօդ. 13.— Իւրաքանչիւր անդամ բարոյա-
կան պարտաւորութեան տակ կը գտնուի ըն-
կերտական համակրանքի եւ սիրոյ վերաբերում
ցոյց տալու Կուսակցութեան բոլոր անդամնե-
րուն հանդէպ : Այս պարտաւորութեան հակա-
ռակ վերաբերմունքը եւ ուրիշ անդամներու հան-
դէպ վարկաբեկող վարմունքը պատասխանա-
տուութեան կ'ենթարկեն անդամ մը :

Յօդ. 14.— Կուսակցութեան անդամ չեն
ընդունուիր անոնք, որ Ա. Ուրիշ Հայ քաղաքա-
կան կուսակցութեան մը անդամ են. Բ. Ռճի-

բով եւ զեղծումով դատապարտուած են . Գ .
Ծանօթ են իբր յօսի նկարագրի տէր անձեր :

Յօդ . 15 .— Կուսակցութեան այր անդամները կը վճարեն տարեկան անդամատուրք մը , որուն նուագագոյն քանակը կ'որոշուի շրջանակին Պատգամաւորական ժողովին կողմէ , եւ կը յատկացուի մասամբ Շրջանակին եւ մասամբ ալ կեդրոնական սնուակին :

Տեղական ծախքերու հայթայթման համար Շրջանակներու Կանոնադիրները կ'ունենան անհրաժեշտ տրամադրութիւնները :

Կիներէ եւ ուսանողներէ կազմուած Ակումբները իրենք կ'որոշեն անդամատուրքի քանակը , եւ կը մատակարարեն այս յօդուածի տրամադրութիւններուն համաձայն :

Յօդ . 16 .— Նոր անդամները , Յօդ . 15-րդի մէջ յիշուած անդամատուրքէն զատ , պարտին վճարել նաեւ մուտքի տուրք մը , որուն քանակը իրենք կ'որոշեն :

Յօդ . 17 .— Անդամատուրքէ զերծ են այն անդամները , որոնց նիւթական վիճակին թոյլատու չըլլալը կը հաստատուի իրենց Ակումբին Վարչութեան կողմէ :

Յօդ . 18 .— Բնակութեան հետեւանքով անդամ մը իր պատկանած Ակումբէն կընայ ուրիշ Ակումբ մը փոխադրուել , Վարչութեան գրաւոր յանձնարարականով :

Յօդ . 19 .— Իւրաքանչիւր անդամ միայն մէկ Ակումբի կընայ անդամակցիլ եւ միայն մէկ ձայնի իրաւունք ունի :

Յօդ . 20 .— Ամէն անդամ պարտի յարելլ կարգապահութեան օրէնքները :

Յօդ . 21 .— Ոե'ւէ անդամ որ չի հնազանդել իր Ակումբին որոշումներուն , կամ չի վճարեր իր տուրքերը եւ կամ կ'ոտնակոխէ Կուսակցութեան օրէնքները , ազդարարութիւն կը ստանայ , եւ եթէ ազդարարութիւնը ապարդիւն մնայ , պատժոյ կ'ենթարկուի Շրջանակին Ներքին Կանոնադիրին տրամադրութեանց համաձայն :

Յօդ . 22 .— Ոե'ւէ անդամ մը որ՝
Ա . Կուսակցութեան սկզբունքներուն դէմ կը դործէ .

Բ . Կարգապահութեան օրէնքները չի յարդեր .

Գ . Իրեն դէմ տրուած վճիռի մը դէմ ներքին օրինական միջոցներէ տարբեր միջոցներու կը դիմէ .

Դ . Ուրիշ Հայ կուսակցութեան մը եւս կ'անդամակցի .

Իր Ակումբին անդամական ժողովին վճիռով կը կախակալուի եւ կը կորսնցնէ իր անդամական իրաւունքները , որոշուած ժամանակի մը համար , եւ ի հարկին կ'արտաքսուի՝ յետ դատաւարութեան :

Յօդ . 23 .— Ոե'ւէ անդամ որ Կուսակցութեան մէկ ուրիշ անդամը հրապարակով կը զրպարտէ , զրպարտուած անդամին դիմումին վրայ յետ քննութեան կը պատժուի , յարմար տեսնուած պատիժով մը , որ կընայ ըլլալ մին-

չեւ կախակայում եւ արտաքսում, ըստ աստի-
ճանի:

Յօդ. 24.— Ոճիրով եւ զեղծումով դատա-
պարտուած անդամ մը կ'արտաքսուի Կուսակ-
ցութենէն իր Ակումբին վճիռով:

Յօդ. 25.— Արտաքսուած անդամի մը ան-
ունը կը հաղորդուի Կուսակցութեան բոլոր Ա-
կումբներուն՝ զերազաս մարմիններուն միջո-
ցաւ:

Յօդ. 26.— Տրուած վճիռէ մը դժգոհ ո' եւէ
կողմ կրնայ Ակումբին անմիջական զերազաս
մարմնին բողոքել, վճռին թուակամէն մինչեւ
մէկ ամիս:

Յօդ. 27.— Բոլոր պատասխանատու մար-
մինները, սկսեալ Ակումբի Վարչութիւններէն
մինչեւ Կեդր. Վարչութիւնը, պարտաւոր են
ներկայ Կանոնադրի տրամադրութիւններուն
հակառակ գործող կամ թերացող անհատ ան-
դամներու եւ իրենցմէ ստորադաս մարմիններու
հանդէպ անմիջական աղղու տնօրինութիւններ
ընել: Այս մասին դանցառութիւնը ծանր պա-
տասխանատուութիւն կը հրաւիրէ վերոյիշեալ
իրաւատու մարմիններուն վրայ, կուսակցական
կարգապահութեան եւ կուսակցական վերին
չահերուն դէմ մեղանշում մը նկատուելով:

ԳԼՈՒԽ Բ

Ակումբներ

Յօդ. 28.— Նուազագոյն հինգ անդամներու
խմբաւորումը կը կազմէ Ակումբ մը:

Յօդ. 29.— Նորակազմ Ակումբի մը գոյու-
թիւնը օրինաւոր կը ճանչցուի այն ատեն միայն,
երբ իր կազմութիւնը կը վաւերացուի Շրջա-
նային Վարչութեան կողմէ:

Յօդ. 30.— Տեղական պայմաններու համե-
մատ, կիները կրնան առանձին Ակումբներ
ունենալ, առանձին Վարչութիւնով:

Յօդ. 31.— Իւրաքանչիւր Ակումբ կ'ունե-
նայ 3—7 անդամներէ բաղկացեալ Վարչութիւն
մը, որ կը պաշտօնավարէ մէկ տարի եւ մինչեւ
իր յաջորդին ընտրութիւնը:

Ծանօթ.— Յիսունէն վեր անդամ ունեցող
Ակումբները իրենց Վարչութենէն զատ կրնան
ունենալ նաեւ տասնեակներու բաժանում մը,
իւրաքանչիւր տասնեակի պետը կը նշանակուի
Վարչութենէն, եւ իր պաշտօնն է իր տասնեակի
սուրբերը զանձել եւ հոգ տանիլ որ անդամա-
կան ժողովներու յաճախեն:

Յօդ. 32.— Ակումբի մը Վարչութեան
պակասած անդամներուն յաջորդները ընտրելու
իրաւունքը կը պատկանի անդամական ժողո-
վին:

Յօդ. 33.— Թէ՛ Ակումբի Վարչութեան եւ
թէ՛ անդամական ժողովին որոշումները կը
տրուին ձայներու մեծամասնութեամբ:

Յօդ. 34.— Ակումբի Վարչութիւնը կը վա-
րէ Ակումբին գործերը եւ կը գործադրէ իր զե-
րազաս մարմնին որոշումներն ու հրահանգնե-
րը:

Յօդ. 35.— Ակումբի Վարչութիւնը համա-

28-3192



բատու է թէ՛ անդամական ժողովին եւ թէ՛ իր
գերագաս մարմինն :

Յօդ. 36.— Ակումբի Վարչութիւնը պար-
տաւոր է կանոնաւորապէս եռամսեայ տեղե-
կագրով իր գերագաս մարմինը իրազեկ պահել
Ակումբին անդամներուն թիւին, ելմտական
կացութեան եւ ընդհանուր գործունէութեան
մասին :

Այս կանոնաւոր տեղեկագրերէն զատ՝
Ակումբներու Վարչութիւնները պարտաւոր են
նաեւ իրենց գերագաս մարմինը տեղեկակ պա-
հել, անմիջական տեղեկագրիներով, այնպիսի
խնդիրներու մասին, որոնց ծանօթութիւնը կա-
րեւոր եւ օգտակար է Կուսակցութեան համար :

ԳԼՈՒԽ Գ

Անդամական ժողով

Յօդ. 37.— Առնուազն ամիսը մէկ անգամ
տեղի կ'ունենայ անդամական կանոնաւոր ժո-
ղով, որուն հրաւերը զբաւորապէս կամ մա-
մուլի միջոցաւ կը հաղորդուի բոլոր անդամնե-
րուն, ժողովէն առնուազն երեք օր առաջ :

Յօդ. 38.— Ակումբի մը անդամական ժո-
ղովը օրինաւոր է երբ անդամներուն կէսէն մէկ
աւելին ներկայ է :

Յօդ. 39.— Երբ առաջին հրաւերով ժողովը
մեծամասնութիւն չունենայ, Վարչութիւնը
կրնայ նոյն ամսուան մէջ երկրորդ հրաւեր մը
ուղղել նոյն օրակարգով : Երկրորդ ժողովին
ներկաներուն թիւը օրինական կը նկատուի եւ

արուած որոշումները պարտաւորիչ են բոլոր
անդամներուն համար :

Յօդ. 40.— Վարչութեան Ատենապետը, իր
բացակայութեան՝ Փոխ-Ատենապետը, անդամ-
ներու մէկ կ'երրորդի գիմումին վրայ՝ պարտա-
ւոր է արտասովոր նիստի հրաւիրել անդամա-
կան ժողով :

Յօդ. 41.— Ակումբի տարեկան ժողովը կը
գումարուի Շրջանակի Պատգամաւորական ժո-
ղովին գումարման թուականէն առնուազն մէկ
ամիս առաջ :

Յօդ. 42.— Ակումբի Վարչութիւնը տարե-
կան ժողովին մէջ կը կատարէ Ակումբի մէկ
տարուան համարատուութիւնը, որ կը տեղե-
կագրուի Շրջանակի Պատգ. ժողովին :

Յօդ. 43.— Ակումբի տարեկան ժողովին
մէջ կ'ընտրուին Շրջանակի Պատգամաւորական
ժողովին պատուիրակները, Ներքին Կանո-
նագրի արամադրութեանց համաձայն :

Յօդ. 44.— Կանանց Ակումբները, եթէ
հարկ համարեն, կրնան տեղւոյն Այրերու Ա-
կումբին հետ խառն ժողով գումարել եւ միա-
սին ընտրել իրենց պատուիրակները :

Յօդ. 45.— Ակումբի մը մէջ ծագած ս'եւէ
վէճ, երբ իր լուծումը չի գտներ տեղին վրայ,
անմիջական գերագաս մարմինը կը միջամտէ
եւ իր վճիռը պարտաւորիչ է բոլոր կողմերուն
համար, մինչեւ Շրջանային Պատգամաւորա-
կան ժողով, ուր, կատարուած գիմումի մը
վրայ, վճիռը կը քննուի :

Յօդ. 46.— Իր գերազաս մարմնին որոշումներուն եւ կարգադրութեանց զէմ անաստող Ակումբի վարչութիւն կը հրատարեցուի նոյն գերազաս մարմնի կողմէ: Հրատարեցուցեալ վարչութեան անդամները վերընտրելի չեն:

Յօդ.— Ակումբ մը լուծուած կը համարուի, երբ իր անդամներուն թիւը որոշուած նուազագոյն թիւէն պակաս է:

Յօդ. 48.— Ակումբի մը լուծման պարագային, իր գոյքերը կը յանձնուին իր անմիջական գերազաս մարմնին:

ԳԼՈՒԽ Դ Երջանակներ

Յօդ. 49.— Կուսակցութիւնը կը բաժնուի Երջանակներու՝ աշխարհագրական կամ վարչական յարմարութիւններու համեմատ:

Յօդ. 50.— Երջանակ մը կը կազմուի մէկ կամ աւելի Ակումբներէ, պայմանաւ որ առնուազն 100 անդամ ունենայ եւ վաւերացուի Կեդր. վարչութեան կողմէ:

Յօդ. 51.— Իւրաքանչիւր Երջանակ տարին անգամ մը կ'ունենայ Երջանային Պատգամաւորական Ժողով, որ կը կազմուի Ակումբներու պատուիրակներէն, որոնց համեմատական թիւը կ'որոշուի Իւրաքանչիւր Երջանակի ներքին կանոնադրութեան համաձայն:

Յօդ. 52.— Երջանային Պատգամաւորական Ժողովին պատուիրակ կ'ընտրուին անոնք

միայն, որոնք առնուազն մէկ տարի անգամ եղած են Կուսակցութեան: Նորակազմ Ակումբները բացառութիւն կը կազմեն:

Յօդ. 53.— Երջանային Պատգամաւորական Ժողովը կը պատրաստէ նոյն Երջանակին Կանոնադիրը, որ պէտք չէ հակասէ Կուսակցութեան սկզբունքներուն եւ հիմնական Կանոնադրին, եւ որ պէտք է վաւերացուի Կեդրոնական վարչութեան:

Յօդ. 54.— Երջանային Պատգամաւորական Ժողովը կը զբաղի Երջանակին վերաբերեալ խնդիրներով, կը սահմանէ տարեկան պիւտձէն եւ կ'ընտրէ Երջանային վարչութիւնը:

Յօդ. 55.— Իւրաքանչիւր Երջանակ Կուսակցութեան կեդրոնական դանձին կը վճարէ տարեկան տուրք մը, որուն քանակը կ'որոշուի Ընդհ. Պատգ. Ժողովին կողմէ, հիմնուած Երբջանակին կացութեան եւ նոյն Երջանակի պատգամաւորներու տեղեկատուութեան վրայ:

Յօդ. 56.— Երջանային վարչութիւնը կը բաղկանայ առ նուազն հինգ անդամներէ, կ'ընտրուի մէկ տարուան համար եւ կը պաշտօնավարէ մինչեւ յաջորդին ընտրութիւնը:

Յօդ. 57.— Երջանային վարչութեան անգամ կ'ընտրուին անոնք միայն, որոնք առնուազն երկու տարի անգամ եղած են Կուսակցութեան:

Յօդ. 58.— Երջանային վարչութիւնը կ'ընդունի եւ կը գործադրէ Կեդր. վարչութեան հրահանգները եւ Երջանային Պատգամ. Ժողովի

որոշումները . կրնայ ի հարկին թղթակցել միւս
Շրջանային Վարչութիւններուն հետ , տեղական
բնոյթ կրող կազմակերպական եւ այլ հասարակական
հարցերու շուրջ :

Յօդ . 59 .— Շրջանային Վարչութիւնը պատասխանատու է իր Շրջանակի Պատգամ . Ժողովին , որուն պարտի ներկայացնել իր տարեկան
տեղեկագիրը եւ հաշիւը :

Յօդ . 60 .— Շրջանային Վարչութիւնը երեք
ամիսը անգամ մը պարտաւոր է զրկել Կեդր .
Վարչութեան՝ իր շրջանին վիճակագրական ,
եղեմատական եւ բարոյական տեղեկագիրը :
Առկէ դատ , Շրջանային Վարչութիւնը յաճախակի
թղթակցութիւն կը կատարէ Կեդր .
Վարչութեան հետ :

Յօդ . 61 .— Շրջանակին շարժուն եւ անշարժ
ստացւածքները մատակարարելու վերին
իրաւասութիւնը կը պատկանի Շրջանային
Վարչութեան :

Յօդ . 62 .— Շրջանային Վարչութեան հըսկողութեան
եւ պատասխանատուութեան տակ կը հրատարակուի
Շրջանակին պաշտօնաթերթը , որուն խմբագրին
ընտրութիւնը կ'ենթարկուի Կեդր .
Վարչութեան վաւերացումին :

Յօդ . 63 .— Շրջանակները , ըստ տեղական
պայմաններու , կրնան ունենալ մէկ կամ աւելի
Ենթաշրջանակներ՝ համապատասխան Վարչութիւններով ,
որոնք կը վարեն Ենթաշրջանակին
վերաբերեալ ընդհանուր դործերը եւ պատասխանատու
են Շրջանային Վարչութեան :

Յօդ . 64 .— Շրջանային Վարչութիւնը պէտք է նախապէս
Կեդր . Վարչութեան հաւանութիւնը . ստանայ
այն բոլոր ձեռնարկներուն համար , որոնք
Կուսակցութեան ընդհանուր քաղաքականութեան
հետ կապ ունին եւ որոնք տեղական
հանգամանք չունին :

Յօդ . 65 .— Շրջանային Վարչութիւնը պարտի
Կեդր . Վարչութեան վաւերացման ենթարկել
իր տարեկան տրւածէն , եւ տրւածէն մէջ
չկանխատեսուած այն ձեռնարկներն ու ծախքերը ,
որոնք կրնան մեծապէս խանգարել տրւածէն
հաւասարակչութիւնը :

Գ Լ ՈՒ Ե Ն

Ընդհանուր Պատգամաւորական Ժողով

Յօդ . 66 .— Ընդհ . Պատգամ . Ժողովը Կուսակցութեան
Գերագոյն , Օրէնսդիր եւ Համարաւոր
մարմինն է :

Յօդ . 67 .— Ընդհ . Պատգամ . Ժողովը կը կազմուի
Կուսակցութեան բոլոր Շրջանակներէն .
ընտրուած պատգամաւորներէն :

Յօդ . 68 .— Կուսակցութեան իւրաքանչիւր Շրջանակը
իրաւունք ունի նշանակելու պատգամաւոր
մը , առկէ զմտ Շրջանակները պատգամաւոր
կը զրկեն նաեւ հետեւեալ համեմատութեամբ :

100 — 250	անգամ	1	պատգամաւոր
250 — 500	»	2	»
501 — 750	»	3	»
751 — 1000	»	4	»

1001 — 1500 » 5 »

1501 — 2000 » 6 »

Եւ այսպէս իւրաքանչիւր յաւելուածական հինգ հարիւր կամ նուազ անդամի համար մէկ պատգամաւոր աւելի :

Յօդ. 69.— Նորակազմ Ակումբ մը որ իր աշխարհադրական գիրքին բերմամբ չի կրնար կապուիլ ուրիշ շրջանակի մը, կը մասնակցի Ընդհ. Պատգմ. Ժողովին իբր առանձին Շըջանակ, պայմանաւ որ ունենայ առ նուազն 25 անդամ, երբ այդ մասնակցութիւնը զուգուղիպի իր կազմութեան առաջին տարիին, եւ առ նուազն 50 անդամ, երբ իր կազմութեանէն ի վեր անցած են մէկէ աւելի տարիներ :

Յօդ. 70.— Պատգամաւորներու ընտրութիւնը կը կատարուի Շըջանային Պատգմ. Ժողովներու կողմէ՝ նոյն Ժողովին համար ընտրուած պատուիրակներուն թիւին մեծամասնութեամբ :

Այն պարագային որ Շըջանային Պատգմ. Ժողովներու կողմէ ընտրուած պատգամաւորներն ու փոխ-պատգամաւորները չկարենան մասնակցիլ Ընդհ. Պատգմ. Ժողովին, Շըջանային Վարչութիւնները եռապատիկ ցանկով պատգամաւորական թեկնածուներ կը ներկայացնեն Ակումբներու անդամական Ժողովներու քուէարկութեան :

Մէկ Ակումբով ներկայացուած Շըջանակ մը Ընդհ. Պատգմ. Ժողովին պատգամաւոր կ'ընտրէ իր անդամական Ժողովին մէջ :

Յօդ. 71.— Ընդհ. Պատգմ. Ժողովը կը գումարուի երեք տարին անգամ մը Կեդր. Վարչութեան կողմէ նշանակուած վայրին մէջ :

Յօդ. 72.— Արտասովոր Ընդհ. Պատգմ. Ժողովը կը գումարուի՝

Ա. Երբ Կեդր. Վարչութիւնը պէտք տեսնէ, իր անդամներու մեծամասնութեան քուէով : Այս պարագային՝ հրաւիրագիրը պէտք է կրէ Կեդր. Վարչութեան անդամներու երկու երրորդին ստորագրութիւնը :

Բ. Երբ Կուսակցութեան բոլոր Շըջանակներու երկու երրորդը գրաւորապէս կը պահանջէ, միեւնոյն առաջարկով :

Գ. Երբ Կեդր. Վարչութիւնը կը կորսնցնէ իր մեծամասնութիւնը :

Արտասովոր Ընդհ. Պատգմ. Ժողովը իր մասնաւոր նպատակը իրագործելէ յետոյ, կըրնայ ուրիշ խնդիրներով ալ զբաղիլ, պատգամաւորներու մեծամասնութեան հաւանութեամբ :

Յօդ. 73.— Կեդր. Վարչութիւնը պարտաւոր է հրաւիրագիր զրկել, խնդիրներու ցանկով միասին, բոլոր Շըջանակներուն, Ընդհ. Պատգմ. Ժողովի գումարման թուականէն չորս ամիս առաջ :

Օրակարգին պիտի ընկերանայ Շըջանակներու նիւթական, բարոյսական եւ վիճակագրական տեղեկութիւնը սահմանաւորող հարցարան մը, որուն պատասխանը Շըջանային Վարչութիւնները պարտաւոր են Ընդհ. Պատգմ.

Ժողովի գումարումէն մէկ ամիս առաջ հասցը-
նել Կեդր. Վարչութեան :

Յօդ. 74.— Իւրաքանչիւր Երջանակ պատ-
գամաւոր կ'ընտրէ իր Երջանակի անդամներէն
եւ կ'ամ ի հարկին ուրիշ Երջանակի պատկանող
ընկերներէն, պայմանաւ որ ընտրելիութեան
հանգամանքը ներկայացնեն :

Յօդ. 75.— Կեդր. Վարչութեան անդամներն
եւս կրնան պատգամաւոր ընտրուիլ Ընդհ.՝
Պատգմ. Ժողովին համար, պայմանաւ որ ա-
նոնք ձայն չունենան Վարչութեան համարա-
տուութեան առեւն :

Յօդ. 76. Իւրաքանչիւր պատգամաւոր
կրնայ ներկայացնել մէկ ձայն :

Յօդ. 77.— Ընդհ. Պատգմ. Ժողովը օրա-
կարգի անցնելէ առաջ՝

Ա. Կ'որոշէ իր Ժողովարարական կանոն-
ներն ու Ժողովի տեսողութիւնը :

Բ. Կը զօժէ Կուսակցութեան ներքին եւ ար-
տաքին քաղաքականութիւնը, որոշելով գոր-
ծելակերպի ընդհանուր գիծերը :

Գ. Կը պահանջէ, կը քննէ եւ կը վաւե-
րացնէ Կեդր. Վարչութեան, ինչպէս նաեւ Երբ-
ջանակներու տեղեկագիրներն ու հաշիւները :

Դ. Կը քննէ, կը դատէ ու կը պատժէ Կեդր.
Վարչութեան ամբաստանեալ անդամները, եթէ
կան :

Ե. Կ'ընտրէ Կեդր. Վարչութիւնը :

Զ. Կ'ընտրէ Կեդր. Վարչութեան համար
երեք փոխ-անդամներ :

Է. Կը վերաքննէ Կեդր. Վարչութեան դա-
տական վճիռները, եթէ բողոքարկու կողմը
գրաւորապէս ներկայացնէ իր բողոքը :

Ը. Կը քուէարկէ Կուսակցութեան պիւտ-
ձէն եւ կ'որոշէ Երջանակներու մասնակցու-
թեան չափը :

Թ. Կը վերաքննէ ի հարկին ծրագիրը եւ
Հիմնական Կանոնագիրը :

Յօդ. 78.— Ընդհ. Պատգմ. Ժողովը օրի-
նաւոր է, երբ Երջանակներու երկու երրորդը
ներկայացուած է եւ ըստ Յօդ. 68-ի տրամադ-
րութեան՝ ընտրուելիք պատգամաւորներու
ամբողջական թիւին կէսէն մէկ աւելին ներ-
կայ է :

Յօդ. 79.— Ընդհ. Պատգմ. Ժողովին
պատգամաւոր կ'ընտրուին անոնք միայն, ո-
րոնք առ նուազն երկու տարի Կուսակցութեան
անդամ ձեղած են :

Նորակազմ Երջանակները բացառութիւն
կը կազմեն :

Յօդ. 80.— Ընդհ. Պատգմ. Ժողովի որս-
չումները կը տրուին ներկաներու մեծամաս-
նութեամբ՝ ի բաց առեալ հետեւեալ խնդիր-
ները, որոնց համար անհրաժեշտ է վաւերա-
ցուած պատգամաւորներու մեծամասնութեան
քուէն .

Ա. Ծրագրի եւ Հիմնական Կանոնագրի
փոփոխութիւն :

Բ. Կեդր. Վարչութեան ընտրութիւն :

Գ. Դատական վճիռներ :

Դ. Պիւտճէի քուէարկութիւն :

Ե. Ընդհ. քաղաքականութեան հարցեր :

Յօդ. 81.— Ընդհ. Պատգամ. Ժողովի ատենադրութիւններու ամփոփումը տպագրուած կը զրկուի Երջանակներու պատասխանատու մարմիններուն, Ահումբներուն բաժնուելու համար :

ԳՆՈՒՆ Զ

Կեդրոնական Վարչութիւն

Յօդ. 82.— Կեդր. Վարչութիւնը կ'ընտրուուի Ընդհ. Պատգամ. Ժողովէն, երեք տարուան համար, պատգամաւորներու բացարձակ մեծամասնութեամբ եւ կը պաշտօնավարէ մինչև յաջորդին ընտրութիւնը :

Յօդ. 83.— Կեդր. Վարչութեան անդամները թէ՛ անհատապէս եւ թէ՛ հաւաքաբար պատասխանատու են Ընդհ. Պատգամ. Ժողովին :

Յօդ. 84.— Կեդր. Վարչութիւնը կը բաղկանայ առ նուազն հինգ անդամներէ :

Երբ Կեդր. Վարչութեան անդամներէն մէկ կամ աւելին հրաժարին կամ պակսին, անոնց կը յաջորդեն Ընդհ. Պատգամ. Ժողովին կողմէ ընտրուած փոխ-անդամները՝ առաւելագոյն քուէի կարգով :

Երբ հրաժարող կամ պակասած անդամը կամ անդամները վճարեալ են, Կեդր. Վարչութիւնը համապատասխան թիւով եռապատիկ ցանկ մը կը զրկէ Երջանակին Վարչութիւններուն, քուէարկուելու համար :

Իւրաքանչիւր Երջանակի վերջին Ընդհ.

Ժողովին մէջ ունեցած պատգամաւորներու թիւը հիմ կը կազմէ քուէարկութեան, եւ առաւելագոյնով կ'ընտրուին թեկնածուները :

Եռապատիկ ցանկ կազմելու համար նախապատուութիւն կը տրուի Վարչութեան ոչվճարեալ անդամներուն, երբ անոնք տրամադիր են վճարեալ դառնալու եւ իրենց ամբողջ ժամանակը յատկացնելու Վարչութեան գործերուն :

Յօդ. 85.— Կեդր. Վարչութեան անդամակցութեան թեկնածու են անոնք միայն, որոնք առ նուազն երեք տարի Կուսակցութեան անդամ եղած են :

Յօդ. 86.— Իւրաքանչիւր Ընդհ. Պատգամ. Ժողով կ'որոշէ յաջորդ շրջանի Կեդր. Վարչութեան պաշտօնավարը :

Յօդ. 87.— Կեդրոնական Վարչութիւնը ինք կ'ընտրէ իր գլխանը :

Յօդ. 88.— Կեդր. Վարչութիւնը, երբ հարկ գատէ, կը նշանակէ լիազօրներ, յանձնա-ժողովներ եւ կը վարձէ քարտուղարներ, գործիչներ եւ ուրիշ պաշտօնեաներ, իր որոշումները գործադրելու եւ Կուսակցութեան ընդհանուր գործերուն ընթացք տալու համար :

Յօդ. 89.— Կեդր. Վարչութիւնը կը վերաքննէ Երջանակի մը Պատգամաւորական Ժողովին դատական վճիռները, պայմանաւ որ բողոքարկուն գրաւորապէս ներկայացնէ իր բողոքը, տրուած թուականէն մինչև երեք ամիս :

Յօդ. 90.— Կեդր. Վարչութեան հսկողութեան եւ պատասխանատուութեան տակ կը հրատարակուին Կուսակցութեան կեդրոնական պաշտօնական հրատարակութիւնները :

Յօդ. 91.— Կեդր. Վարչութեան պաշտօնն է՝

Ա. Գործադրել Ընդհ. Պատգամ. Ժողովին կողմէ քուէարկուած օրէնքներն ու որոշումները, եւ վարել Կուսակցութեան ընդհանուր գործերը :

Բ. Կանոնաւոր յարաբերութեան մէջ ըլլալ բոլոր Երջանակներուն հետ եւ անոնց հրահանգ տալ Կուսակցութեան ներքին եւ արտաքին քաղաքականութեան նկատմամբ :

Գ. Տնօրինել բրօքականտի միջոցներ՝ Կուսակցութեան սկզբունքները եւ քաղաքականութիւնը ընդհանրացնելու համար :

Դ. Ճշդել՝ ներչնչուելով Պատգամ. Ժողովի որոշումներէն եւ Կուսակցութեան հիմնական սկզբունքներէն՝ Կուսակցութեան տեսակէտն ու դիրքը հանդէպ պետական հարցերու :

Ե. Առ նուազն միամսեայ շրջաբերականներով Երջանակները տեղեակ պահել Կուսակցութեան ընդհանուր գործունէութեան եւ պետական խնդիրներու շուրջ, իսկ եռամսեայ նիւթական տեղեկատուութիւն մը ընել :

Զ. Թելադրութիւններ ներկայացնել Ընդհ. Պատգամ. Ժողովին, յաջորդ շրջանի ընդհանուր պիւտճէին համար :

Յօդ. 92.— Կեդր. Վարչութիւնը իրաւասութիւն ունի բեկանելու Երջանային Վարչութիւններու որոշումները, երբ դանոնք Կուսակցութեան սկզբունքներուն հակառակ դաննի :

Յօդ. 93.— Կեդր. Վարչութիւնը իրաւասութիւն ունի լուծելու Երջանային Վարչութիւն մը, երբ անոր ընթացքը, յետ աղդարարութեան, կը շարունակէ մնալ հակառակ Կուսակցութեան սկզբունքներուն եւ ընդհանուր քաղաքականութեան : Այդ պարագային Կեդր. Վարչութիւնը կը հրաւիրէ արտասովոր Երջանային Պատգամ. Ժողով, որ կ'ընտրէ Նոր Երջանային Վարչութիւն :

Լուծուած Երջանային Վարչութեան անդամները վերընտրելի չեն :

Յօդ. 94.— Կեդր. Վարչութեան անդամներն ու ներկայացուցիչները իրաւասութիւն ունին իրենց գտնուած Երջանակներու բոլոր պաշտօնական մարմիններու նիստերուն մասնակցիլ խորհրդակցական ձայնով :

Յօդ. 95.— Կուսակցութեան սեփական շարժուն եւ անշարժ ստացուածքներու մատակարարութեան վերին իրաւասութիւնը կը պատկանի Կեդր. Վարչութեան :

Երջանային Վարչութիւնները փոխանորդարար կը վայելեն իրենց Երջանակներուն սեփական շարժուն եւ անշարժ ստացուածքները մատակարարելու իրաւասութիւնը :

Յօդ. 96.— Կեդր. Վարչութեան անդամները պարտին ուխտել հաւատարմութիւն Կու-

սակցութեան սկզբունքներուն ու շահերուն, եւ ստորագրել էր զմնագիր մը :

Երդում

Հիմնական Կանոնագրին «Կեդրոնական Վարչութիւն» հատուածի վերջին յօդուածի տրամադրութեան համեմատ, Կեդր. Վարչութեան անդամները կ'երդնուն հետեւեալ բանաձեւով եւ անոր մէկ օրինակը կը ստորագրեն յատենի ժողովոյ :

Երդմնագիր

«Ստանձնելով Ռամկավար Ազատական Կուսակցութեան Կեդրոնական Վարչութեան անդամակցութիւնը, կ'երդնում պատուոյս վրայ եւ հայրենիքիս անունով, հաւատարիմ մնալ Ռամկավար Ազատական Կուսակցութեան սկզբունքներուն. պահպանել եւ գործադրել անոր ծրագիրն ու Կանոնագիրը, խղճմտօրէն կատարել Պատգամաւորական Ժողովին որոշումները եւ իր կողմէ ինծի վստահուած պաշտօնը, աչալրջօրէն հսկել Ռամկավար Ազատական Կուսակցութեան շահերուն վրայ եւ ջանալ անոր քաղաքական նպատակներուն իրագործման, Հայ Ազգին եւ Հայրենիքին բարիքին համար» :

Վերաբնութիւն

Ներկայ Հիմնական Կանոնագիրը վերաբրննելի է Կուսակցութեան Բնականօր Պատգամաւորական Ժողովին մէջ :



~~Stamp~~

4
2013

« Ազգային գրադարան



728
NL0040323

